



Na osnovu člana 56. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj:35/05), člana 6. Pravilnika o kriterijima, uslovima i postupku za odobravanje jednokratne novčane pomoći članovima branilačkih kategorija broj:12-02-6198-1/21 od 9.6.2021. godine, broj:12-02-6198-2/21 od 17.5.2024. godine i broj:12-02-6198-3/21 od 20.5.2025. godine, ministar Ministarstva za pitanja boraca i ratnih vojnih invalida, objavljuje:

JAVNI POZIV

Za podnošenje zahtjeva za ostvarivanje prava na dodjelu jednokratne novčane pomoći iz Budžeta Unsko-sanskog kantona Ministarstva za pitanja boraca i ratnih vojnih invalida Unsko-sanskog kantona za 2025.godinu.

I.

Predmet Javnog poziva

Predmet Javnog poziva je dodjela jednokratne novčane pomoći u vidu:

- a) liječenja,
- b) redovnog i vanrednog školovanja,
- c) zbog lošeg općeg imovnog stanja,
- d) interventna jednokratna novčana pomoć.

II.

Korisnici prava

Pravo na dodjelu jednokratne novčane pomoći imaju lica koja pripadaju kategoriji boračkih populacija odnosno lica koja imaju priznat status u skladu sa Zakonom o dopunskim pravima branilaca i članova njihovih porodica, Zakonom o pravima branilaca i članova njihovih porodica i Zakonom o posebnim pravima dobitnika ratnih priznanja i odlikovanja i članova njihovih porodica.

Korisnik prava ima pravo na dodjelu jednokratne novčane pomoći samo po jednom osnovu iz tačke I. ovog Javnog poziva.

III.

Kriteriji

Odobrovanje sredstava iz tačke I. ovog Javnog poziva vršit će se u skladu sa slijedećim kriterijima:

1. za jednokratnu novčanu pomoć za liječenje

- a) težina i priroda bolesti,

2. za jednokratnu novčanu pomoć za redovno i vanredno školovanje

- a) troškovi nastali usljed redovnog i vanrednog školovanja,
- b) materijano-socijalni status članova porodice,
- c) nezaposlenost podnosioca zahtjeva i članova uže porodice,

3. **za jednokratnu novčanu pomoć zbog lošeg općeg imovnog stanja**
- a) materijano-socijalni status članova porodice,
 - b) broja nezaposlenih članova uže porodice,
 - c) težina socijalne ugroženosti podnosioca zahtjeva i članova domaćinstva.
4. **za interventnu jednokratnu novčanu pomoć.**
- a) zbog bolesti,
 - b) lošeg imovnog stanja,
 - c) stanja socijalne ugroženosti,
 - d) za školovanje

IV.

Dokumentacija

Uz zahtjev obavezno treba priložiti osnovnu i posebnu dokumentaciju.

1. **Osnovni dokumenti**

- a) Dokaz o mjestu prebivališta/boravišta podnosioca zahtjeva (Uvjerenje CIPS),
- b) Kopija tekućeg računa banke ili potvrda banke sa brojem tekućeg računa podnosioca zahtjeva,

2. **Posebni dokumenti**

A. **jednokratna novčana pomoć za liječenje**

- a) Medicinska dokumentacija izdata od ljekara odgovarajuće specijalnosti sa dijagnozom i kontinuitetom liječenja ne starija od godinu dana,
- b) Kućna lista (ukoliko podnosi zahtjev za člana uže porodice),
- c) Po potrebi i ostali dokumenti (račun sa specifikacijom kupljenih lijekova, račun o kupljenoj medicinskoj opremi, računi o obavljenom operativnom zahvatu, dr...).

B. **jednokratna novčana pomoć za redovno i vanredno školovanje**

- a) Uvjerenje da se podnosilac zahtjeva i punoljetni članovi uže porodice nalaze na evidenciji Službe za zapošljavanje (za nezaposlene) ili ukoliko se ne vode na evidenciji J.U. Službe za zapošljavanje-BIRO dostavlja se uvjerenje Porezne uprave iz Jedinstvenog sistema kojim se dokazuje da nisu prijavljeni po osnovu radnog odnosa, ukoliko je podnosilac zahtjeva ili punoljetni član uže porodice u random odnosu dostavlja dokaz o visini primanja po osnovu radnog odnosa ili ukoliko je korisnik PIO/MIO dostavlja se dokaz o visini penzije,
- b) Uvjerenje obrazovne ustanove o upisu u tekuću školsku godinu podnosioca prijave ili člana uže porodice,
- c) Kućnalista,
- d) Račun o visini troškova školovanja za tekuću školsku godinu ili račun o troškovima nabavke školske opremei dr.
- e) Po potrebi i ostali dokumenti.

C. **jednokratna novčana pomoć zbog lošeg općeg imovnog stanja**

- a) Uvjerenje da se podnosilac zahtjeva i punoljetni članovi uže porodice nalaze na evidenciji Službe za zapošljavanje (za nezaposlene) ili ukoliko se ne vode na evidenciji J.U. Službe za zapošljavanje-BIRO dostavlja se uvjerenje Porezne uprave iz Jedinstvenog sistema kojim se dokazuje da nisu prijavljeni po osnovu radnog odnosa, ukoliko je podnosilac zahtjeva ili

punoljetni član uže porodice u radnom odnosu dostavlja dokaz o visini primanja po osnovu radnog odnosa ili ukoliko je korisnik PIO/MIO dostavlja se dokaz o visini penzije.

D. interventna jednokratna novčana pomoć

- a) Dokumentacija propisana članom 9. Pravilnika o kriterijima, uslovima i postupku za odobravanje jednokratne novčane pomoći članovima branilačkih kategorija.

Tražena dokumentacija ne može biti starija od šest mjeseci, osim medicinske dokumentacije koja ne može biti starija od godinu dana.

Dokumentacija se predaje u originalu ili kao ovjerena fotokopija osim tekućeg računa podnosioca zahtjeva i medicinske dokumentacije.

Dokaz o priznatom statusu prema Zakonu, Odjeljenje pribavlja po službenoj dužnosti i sastavni je dio predmeta.

Javne isprave koje je u propisanom obliku izdao strani državni organ, podnosilac zahtjeva je dužan da takve isprave prevede na jedan od jezika koji se koristi u upotrebi na području Bosne i Hercegovine.

V.

Ograničenje prava i izuzetak

Jednokratna novčana pomoć se ne može odobriti u slučajevima:

- a) ukoliko se zahtjev za liječenje odnosi za banjsko liječenje (medicinska rehabilitacija) i nabavku ortopedskih pomagala,
- b) ukoliko je podnesen zahtjev za redovno i vanredno školovanje, a ostvareno pravo na stipendiju od strane Ministarstva,
- c) ukoliko je zahtjev podnesen zbog lošeg općeg imovnog stanja, a podnosilac zahtjeva je korisnik prava na egzistencijalnu naknadu ili novčanu naknadu čija sredstva se isplaćuju iz federalnog odnosno kantonalnog budžeta.

Izuzetno, jednokratnu novčanu pomoć iz tačke I. ovog Javnog poziva, može se dodijeliti i kao interventna jednokratna novčana pomoć ukoliko su nastupile nepredviđene okolnosti iz Pravilnika o kriterijima, uslovima i postupku za odobravanje jednokratne novčane pomoći članovima branilačkih kategorija.

VI.

Podnošenje zahtjeva

Zahtjev za ostvarivanje prava na dodjelu jednokratne novčane pomoći, podnosi se Odjeljenju za boračko-invalidsku zaštitu prema mjestu prebivališta podnosioca zahtjeva, kao prvostepenom organu, dok lice koje nema prebivalište odnosno boravište na području Unsko-sanskog kantona, a ostvarilo je povratak u gradove/općine Banja Luka, Prnjavor, Srbac, Prijedor, Bosanski Novi, Kozarska Dubica, Gradiška i Laktaši, pod uslovom da im je priznat status na osnovu konačnog rješenja nadležnog organa, izdatog u skladu sa važećim federalnim propisima iz oblasti branilačko-invalidske zaštite ili rješenja o priznatom statusu u skladu sa odredbama Zakona o dopunskim pravima branilaca i članova njihovih porodica, zahtjev podnosi Odjeljenju za boračko-invalidsku zaštitu, najbližem mjestu prebivališta podnosioca zahtjeva, kao prvostepenom organu, odnosno Odjeljenju za boračko-invalidsku zaštitu putem kojeg ostvaruje prava iz oblasti boračko-invalidske zaštite.

Izuzetno, zahtjev za ostvarivanje prava na interventnu jednokratnu novčanu pomoć podnosi se direktno u sjedištu Ministarstva, sa naznakom za dodjelu interventne jednokratne novčane pomoći.

VII.

Preuzimanje zahtjeva

Obrasci zahtjeva sa potrebnom dokumentacijom radi ostvarivanja prava za dodjelu jednokratne novčane pomoći mogu se preuzeti u prostorijama Odjeljenja za boračko-invalidsku zaštitu.

Poseban obrazac, radi ostvarivanja prava na interventnu jednokratnu novčanu pomoć može se preuzeti direktno u sjedištu Ministarstva, uz prilaganje dokumentacije propisane članom 9. Pravilnika o kriterijima, uslovima i postupku za odobravanje jednokratne novčane pomoći članovima branilačkih kategorija.

Zahtjevi zaprimljeni prije raspisivanja Javnog poziva i nepotpune zahtjeve za ostvarivanje prava na jednokratnu novčanu pomoć Komisija neće uzeti u razmatranje.

Ministarstvo nema obavezu vraćanja predate dokumentacije.

VIII.

Trajanje Javnog poziva

Javni poziv za podnošenje zahtjeva za ostvarivanje prava na dodjelu jednokratne novčane pomoći ostaje otvoren tokom cijele godine odnosno do utroška raspoloživih sredstava Ministarstva za pitanje boraca i ratnih vojnih invalida Unsko-sanskog kantona za te namjene.

Broj: 12-11-6924-1/2025

Bihać, 26.5.2025. godine



MINISTAR

Almir Tutić, dipl. oec

[Handwritten signature]